

秦州志卷之二十五

人物篤行

宋陳護字元法六世同居百口無閒政和中詔旌其
廳事夾欄正門闕闔烏頭二柱表以綽楔左右建臺

一丈三尺建炎中兵燹不存節婦向氏於紹興九年代

金贖產陳有司丐修遺址州郡賞其義復榜建門閭志

茅信卿四世同居每日家長坐堂上卑幼各以序立拱

手聽命分任其事畢則復命其有怠惰者輒鞭辱之卒

無怨言州郡上其事表曰四世孝義之門舊志

元顧仲庸侗儻好義與保定張文友交契張為岷縣尹

秦州志 卷之二十五 篤行

秩滿僑居江陰一日暴卒仲庸在京聞之即走告當

者曰張文友未病願致仕因入狀中書遂獲以嘉

知州致仕既領宣命又代文友之子告蔭乃得注晉

尉其家實不知也仲庸南歸致奠賻奉宣敕授其子人

始驚歎舊志

府志有俞思齊詳見事畧不復錄

明儲宏字仲文府志作儲仲文惇行孝弟讀書通大義嘗市鹽

遼陽載布數車值寇騎圍城雨雪浹旬饑凍道相逼宏

坐逆旅門外探布散給衆商止之曰商以求利若之何

並其本棄之宏曰此何時尙問利耶中歲家寔落間曝

於門於遺金十數兩默置廁舍檐間及晡有一男子攜婦哭來問之曰某夫婦解戍某地費不給稅一子賣而得金今晨過此失去將死道路矣詢其封識並金幾何語悉符出歸之且察其有飢色予之粥遣之其人曰吾無以報德逢人語君使君聞於人人而已後宏以壽終曾孫巵官至吏部侍郎自有傳

舊志參名山藏

陳佐字子輔號西圃教諭祿

見仕績

子志行醇篤兩舉鄉

飲賓壽百歲撫按具聞特賜冠帶建有百歲坊第四子鳶字理卿號秋江以輸粟佐軍餉賜爵本州千戶遇凶歲以米粥賑饑民置義地瘞道殣不可勝計性濶達有秦州志

卷之二十五

篤行

二

無賴子被酒詈於門子弟奴僕不能堪鳶不爲意第命童子擊鼓以亂之鄉人沈里袖金一囊來曰余生平辛苦儲有三百金今老矣子且幼思非公無可託者無令外人知也因受置櫝中數年沈歿攜金還之封識宛然鳶叔祖父通字添泰撫兒子相成進士年九十有五鳶次子字達泉萬厯間官廣西南寧府通判路經吉水修宗祠輯家譜並以敦行稱

舊志參家乘

劉昆字谷臣

府志作谷行

少時母暱之私以金悉紆曲給諸

兄之乏者亦不傷母意嘗拾遺金數百待遺者至還之凡有贖鍰未納羈獄者捐緡脫之尊經閣圯助葺

冬賑糜施棺槨千計里中某官侍御與某相國有連勢橫甚垂涎昆所業市廛一區遣奴詣昆欲得之其二子請勿與昆持券畀奴竟不償值後某官家業波蕩而昆以爲善昌其後云

舊志

馬士權讓官于弟寓京師教授博極羣書善談論與學士先生游劉元博徐有貞輩疑必赴質有貞九厚之天順元年石亨等引有貞爲南城之舉不久權勢相拉疑有貞文臣不時見上恐爲所聞遂構其事有貞旣降廣東參政猶慮其復起必欲殺之因造奏誹毀朝政多危語假給事中李秉彝名上之李時已丁艱去曹石以貌

秦州志

卷之二十五 篤行

三

類一人持奏入接本小監視其牘甚長言大人說何事有許多文字其人不語監觀懸牌吏科給事中也奏入召秉彝則亾之矣逮捕甚急校尉妄持一人入示小監監曰非也昨肥而髯今瘠無鬚乃復大搜常熟張廷瑞以寫作遊都下捕者視其貌惟肖且吳語也取以入加掠亾狀後逮彝至不承竟以拷訊死亨等因言此徐有貞怨望使所密秦州布衣馬士權及某官某吏共爲之而滅其跡耳遣捕有貞于途收士權等及徐家屬下錦衣衛獄掌衛都指揮門達陳諸酷刑於庭拷掠瀕死數四馬尤毒虐馬曰今欲我三人何所承行刑官曰

貞欲作逆與汝三人同謀先爲此以惑朝廷士權專建
計某某執筆作狀揚某書謄之士權大呼曰徐有貞欲
使今皇帝爲堯舜之君今百姓爲堯舜之民如此而已
不知其他刑官不能折獄竟不成乃命取誥券出示三
法刑部侍郎劉廣衡等劾奏有貞詐撰制文竊弄國柄
自以爲治水希蹤神禹敢以定策冒貪天功大不敬無
人臣禮宜戮市曹

案舊志云士權終無所言乃摘武功伯誥券續禹神功語出有貞自撰士

權大呼曰有貞忠臣豈有自撰誥券露其逆謀之理耶門達不能折所錄小異會承天門災乃

宥之編置雲南金齒爲民有貞出獄感士權許以女嫁
其子灑泣而別天順四年有貞自金齒歸蘇權自秦州
秦州志 卷之二十五 篤行 四

來謁欲成婚約有貞頗有難色士權曰貧儒不能當侯
家女也有貞遂從其言而以微物贈之士權畧無怏怏
意士權貌甚寢陋長不踰五尺云

國朝名士類苑引萬圃記並參舊志

宮貴字大升號質庵其祖智達靜海人明初舉孝廉判

真定府事歷判揚州署篆來秦遂家焉正德戊辰歲歉

貴入粟千五百石授散秩丙子郡大饑道殣相望貴購

地瘞埋之孫永建自有傳又正統七年歲歉捐粟旌爲

義民者六人雷信許禮劉懸陸敬游淮盧源源之孫盧

澄於嘉靖閒出粟賑濟巡按黃扁其門

舊志參宮氏族譜

顧夢騏字德卿貢生御史廷對子聘知府王陳策女女

瘖騏完娶如禮倍老無閒言有司扁之騏由廣文子
江西定南縣令操守清約不事刻覈人俱稱其廉惠云
志

柳楷字仲表隆慶四年以贖粟給冠帶子四教四科亦
以孝友樂善稱舊志

沈道輝工醫施藥濟人性孝友讓產於兄弟有司旌異
之舊志

王虹字紀芳安豐場人良之父也性純樸樂善不倦
使請於朝歲給粟帛九十二而終

王丕宏治閒八世同舉府志本明史孝義傳

秦州志 卷之二十五 篤行

周鏞字子京遺產累千金悉以讓昆弟官至湖廣榮府
審理致仕歸閉戶讀書人罕得見子孫克世其家舊志

陳應旂號文郊鳶之孫性慷慨重然諾喜施予貧乏多
待以舉火鄉里事難決者善為剖析嚴寒有糜粥續絮

之施晚年授光祿署丞年九十有六舊志

王之垣字得師廩生良之孫也娶陳氏病雙瞽欲為置
妾之垣不可陳早歿已有子遂不復娶有司請于朝歲

給米帛舊志

朱承芳字懷萱其先姑蘇人明初流寓泰州遂家焉承
芳輕財好施鄉鄰賴以舉火者數十家官廣東市舶使

目子宗周官廩東理問以廉能稱宗周年九十有一志

王應騏字鏡如貢生讓宅居兄弟又以己所置良田與

之友人託以愛妾者同居數年未嘗一窺其面某遇

難以數百金寄藏厚有贈遺騏與所寄金封置一所事

後悉還之年七十其弟應麟號真如以諸生隱居通地

理醫術為人端謹年八十二應騏子礪品自有傳舊志

黃軫字希烈居姜堰鎮歲饑輸粟有司獎之長子呈

性孝友善事後母置義田樂施助四子呈理修譜建祠

于祠內設家塾延師課族子弟呈理子鏞舉于鄉舊志

田狩龍字鍾宇號遜庵居秦潼鎮置義田義倉設家塾

秦州志 卷之二十五 篤行 六

子姓多所造就年八十著有遜庵詩集及良知說等篇

子三顯吉成進士官嶧縣令曾孫廣舊志自有傳志

張廷寀號見東諸生工文章屢試不信其兄以事註誤

有司欲加之刑廷寀聞訃請代遂得釋生徒百計有貧

不能具修脯者進而教之資館穀焉啟禎時與儲瑛等

修州志年七十五著有南軒竹畦等集孫曾俱領鄉薦

舊志

丁士毅字堅素性友愛撫兒子如己子歲施衣施棺拯

孤絕有司舉鄉飲賓舊志

陸九棘居三塘里性孝友撫二弟舊志之婚娶以所置

給之處鄉黨多所周卹一夕有穿窬穴墻入贈之金以改行終匿其姓名以子舜貴封如其官舊志

張兆麒字趾徵事祖母杜母仇盡孝養生平多陰德聞

人枉抑必解之以為快子琴成進士舊志

吳之諒字元亮監生其先自新安遷泰州同居五世百

口無閒言子家驥樂善好施值兵亂縱掠有過其門者

輒曰此善人家也相戒勿犯子崇先官中書之諱弟之

讓之讚俱有善士稱舊志

徐爾貞字介石由貢生授文華殿中書加禮部儀制司

主事崇禎時有奏免漕糧三分及海口扼險二疏士民

秦州志 卷之二十五 篤行 七

德之精醫著有醫匯書行世舊志

周命新號明寰諸生居安豐場俗好訐訟命新志趣端

方凡行有不正者必勸導之弟命時相友愛亦能讀書

好善云舊志

潘昌類字龍濤貢生其先自蘇州遷秦世有善行昌類

重然諾尚節義生平未嘗見疾言遽色遠方人曾有以

數千金密寄者十數年後其人歿訪其子還之歲凶出

粟賑饑埋道殣子孫俱列饗序舊志

吳廷彥號際泰諸生講學數十年踐履純篤崇禎庚辰

大旱出麥糶賑粥兩舉鄉飲賓年八十有一 國朝順

治年祀鄉賢州案

舊志不載今據州案增入又案舊志鄉賢祠所錄名氏作吳際泰今從州案

張某忠節公伯鯨之父貧甚與甥貿易學宮前拾遺金千兩甥欲剖分張不可俟三日無人問者甥又欲分張仍不可越六日有江西木客哭而來叩得實還之甥愠甚與張析業是夜夢神告曰此事已奏上帝賜貴子大門閭逾年生忠節公府志
案府志入江都舊志既以伯鯨為泰州人今見忠節故并其父錄之

泰州志 卷之二十五 篤行 八

喬登泰崇禎十四年亢旱出大小麥賑饑有司獎之又

金萬業顧教二人皆捐施賑濟者舊志參府志

程悌字進之號小邨住海安鎮性篤厚屢捐粟賑饑有

賊入悌室悌覺之贈以金勸令為善遣之去又嘗於道

中拾遺金坐待失金者至如數以還采訪錄據天啓十場志

趙禮字信夫住丁溪場幼聘同里孟氏女因病瞽辭婚

父以語禮禮不可既娶生子女十一人子玉後為水軍

萬戶鄉里咸稱趙長者云

案舊志藝文有王元吉趙長者詩并序據以增入詩不錄

李大光號煥寰監生住海安鎮鎮隣於海故多盜大光捐腴田二百畝設法緝禁案府志附見 國朝李克猷傳後採訪錄云大光萬曆時人今從之

舊志有陳王模宋漢麟儲瑛張應瑞蕭允第戈世爵六人無事實今刪

國朝朱淑熹字艾人順治辛卯舉人揀選知縣其先自姑

蘇遷泰世有善行淑熹端方孝友事孀嫂如母里中貧乏不能給者厚卹之歲荒出穀數千石助賑年八十終

子光岱等俱列仕籍

舊志

朱志熹字望鹿號德亭貢生積學力行凡濂洛關閩之

秦州志

卷之二十五 篤行

九

書無不研究康熙庚戌河堤潰決田禾盡沒丙辰尤甚

己未復旱蝗饑民載道志熹捐貲糴穀為里中倡設局

賑卹全活甚眾又建育嬰堂於安家橋置義冢於孔家

莊修復大通橋重建覺正寺始終樂善不倦祀鄉賢

舊志

參續志稿

陳王猷字爾吉鳶之曾孫也性好為朋友稱貸無吝色

舉鄉飲賓年九十有三弟王烈字廣明讀書九里溝嘗

具棺掩浮屍焉

舊志參陳氏家乘

孫雲鵬字上扶武舉人家近濟川橋時橋久圯壞行人

苦之雲鵬首議捐修輦石鳩工親董其役後有宮自

張仁定修葺州城...

宮位銓字...

必拂拭焚...

取聚百沈之...

劉字珍所

為常不始苦...

崇禎十一年...

歲歉請蠲賑...

部具如所言...

邑所代者亦...

秦州志

卷之二十五

力也後以孫肇祺曾孫沅貴贈如其官

舊志案府七附孝友末

張世醫字從修...

年絕意揚...

文懿焚屢...

眾倡修葺...

傳

王孫鑿字...

南設於...

...

...

吏所虐驟爲愬諸官盡革其弊嘗於土中得古石鼎
玩不置臨歿時命其子晉原以奉 文廟至今存焉

舊志

勿東字田授副貢生其父維時於明季薦博學鴻詞不
就東恬裕有父風能以名節自厲順治初以優行舉同
時諸生繆肇敏字虎公敦孝友端品誼學使者舉優行
有司扁表之

舊志

仲國能字振華號健夫先賢仲子六十二世孫其先從
宋高宗南渡遂家於秦焉世業農至國能始讀書尙節
義有徽人鬻木於秦素與國能善聞其鄉被兵倉皇歸
持貲若干金屬曰我闖人多矣惟君足信密寄君所秋

秦州志

卷之二十五

篤行

十一

杪當復來後不至無何有同歸者來問之則死於道矣
乃持金往廉得其子還之封識宛然其家欲以半酬笑
曰分冀半何如據其全乎吾不忍欺死友也後子孫克
以文章世其家

舊志

沈之恂號退庵諸生性耽學經書手鈔盈帙連不得志
於有司乃專意課子又撫再從兄弟之子皆使成立鄉
里推重之有不平事輒就焉子二龍翔領鄉薦遴成進
士同時吳之雋字吉人持身清謹母歿過哀訓子弟有
法以諸生終

舊志

徐瑞璽字輯章諸生姊早寡無子養之終身嘗過真州

于旅舍牀下獲金一囊有人倉皇跡至詢得其實即還之遇棄妻者每力勸多完人伉儷焉舊志

徐大璽字紫章諸生事繼母以孝聞有孀姑貧而無子迎養四十歲殯葬從厚捐貲修育嬰堂躬董其役里人

稱之舊志

朱兆乾字健庵諸生慷慨喜施親族中婚喪不給者悉

周之修學宮葺胡安定祠以及賑荒歲有遺嬰乳有義

舉無不樂助焉舊志

陳夢兆字隆隱鴻臚寺序班住海安鎮性寬和化家人

以禮當明季兵燹後遺詔暴露夢兆親行田野隨地瘞

泰州志 卷之二十五 篤行

埋之修葺學宮歲饑助賑有司舉鄉飲賓舊志

徐日明字南麓侍養父母晨昏不少懈昆弟不事生業

屢分貲給之課子姪列庠序者凡二十有七人其生平

獎賚券遺遺金助葬埋賑糜粥事不勝述云舊志

仲伯篋字斗聯號坦齋國能次子幼孤事母呂五十年

如一日他事憂念見母輒怡然改容性端凝少宿邨舍

有鄰婦潛奔寢所厲聲叱之明夕徙寢生平接物至誠

見統絳子則避之晚年嗜邵子詩文自顏其齋曰師堯

子三鼎龍領鄉薦舊志參府志

余維璿字玉衡監生其先歛人流寓安豐場璿篤孝之

所手置產分居時惟弟所擇又請疏運鹽河竈河賑五場及爲育嬰堂久遠計皆足稱焉

舊志

吳應裕字涵卿年十三割臂治母病又善事繼母父亡畜兩幼弟所置千金產盡以讓弟渡江見七尸漂泊買棺葬之有揚州友人許某負鹽課千金亡去妻子繫獄裕代爲完逋因得釋其後子孫以功名起家

舊志案府志附孝友

末

周鼎字定九諸生當王孫驃除馬蠹時羣惡恃有黨援勢甚猖獗驃所約稍稍散去能不畏彊禦與驃始終其事者惟鼎一人驃臨終以赤藤杖爲別曰我兩人扶持

泰州志

卷之二十五

篤行

十三

桑梓如此杖矣其生平善畫梅云

舊志

王相吉字爲憲監生有故人歿多所逋負相吉往撫棺痛哭聚券焚之其子泣謝相吉日我自安我心也何以

謝爲

舊志

童希聖字仰之康熙二十三年水災徵賦不給恭逢

仁廟南巡希聖赴江寧於十一月一日在雨花臺伏地上疏侍

衛鞭之

詔止勿鞭取疏親閱

命行在部傳諭泰州百姓

皇上已經親知道桃源宿遷山陽高寶興泰七邑水災困苦

有區處爾等回去希聖隨復入都繪圖以進得奉

恩旨將災糧盡作版荒田地至二十九年方報涸開徵前後其

免銀米五年希聖旨死陳奏鄉人賴之舊志

陳家振字超宗監生康熙丙子水荒出粟助賑里有貧

乏及婚葬不克舉者厚卹之又朱朝觀字寧國遇凶歲

亦出貲周濟焉舊志

陳其字繼郇監生居黃單莊世母周寡事之如母外大

父戴浩如暮年無依迎養三十年斂葬皆從厚下河罹

水患盡散儲蓄村中多待以舉火者嘗在天長道中買

女為婢女別母哀甚其問故泣曰父繫獄甘賣身以贖

泰州志 卷之二十五 篤行 古

耳其惻然歸女不取其直夜過樊汊盜至見其端坐詢

姓氏曰此長者不可害也舊志

陳綏祉字斯來監生幼穎異博覽羣籍屢試弗售事親

以孝聞歲饑助賑以及焚券施藥里人稱焉年六十有

八陳氏家乘

周篤慶字心友諸生工醫施藥濟人有罹禍者至傾家

相助曾以治河策謁靳文襄皆見施行子之松成進士

舊志

俞允瑄字宣人姿性純粹著有明德篇致知論臨稷訓

其子曰讀聖賢書講理學功夫不可作章句儒也子維

植以文行爲鄉人推重云

舊志

林元鼎字鉉吉待人以誠好周濟賑粥施椽逾比才猶好善不倦子蕃領鄉薦

舊志

吳銓字公衡感庶母王守節事之如母兩弟分析後時以己產益之倡建育嬰堂荒年罄所蓄以周里黨焚逋券千數百金總督于獎以扁額子二湘濤湘字岳生能體父志其師貧老告父迎養焉父命回原籍埽墓兼收麥時值亢旱湘以數百石散之親族父嘉之年二十二死濤具孝友傳湘子邦柱字石臣諸生幼孤事母孝其姊適卞氏早亡遺一子一女家中落母隱憂之柱因迎

泰州志

卷之二十五 篤行

十五

奇於家并立分書給甥以家產母大慰中年喪妻不再娶購冢地葬原籍人客死者嘗買一婢詢其先人爲本衛所官立歸之不取其直僕人朱李曾割股救親及柱病又割股人謂恩義所感云邦柱纂有關異彙鈔

舊志案府

志入
孝友

沈自明字開之值大水海溢濱海之民露立不能炊人多飢餓自明每晨買胡餅數千枚煮茶數石親往散給凡兩月餘賴以存活者甚衆總督于扁獎之子士望諸

生克繼父志

舊志

陳晉吉字錫蕃諸生嫡母病割股愈之鄰人有女鬻某

氏爲婢數載音息不通其母病日夜悲傷思一見文吉
慨然赴某氏告以情出貲贖之以歸其母舊志

周尙文字聖從幼失父母其從父母撫之及長廬親慕
三年事從父母養葬盡力中表有夫婦偕亡者遺子女
各一貧無所歸尙文撫養甚至爲畢婚嫁曉醫術多以
藥餌施貧乏焉舊志

戴露號拙叟父歿有庶母弟尙幼撫之成立遺產盡與
之又撫從弟三人俱父死母嫁者舊志

劉九臯字鶴亭明末州人避亂欲徙者衆九臯卜於神
謂寇不至衆賴以安鄰人吳某將有遠行再拜寄以貲

泰州志 卷之二十五 篤行 七

臯爲晝夜防護及歸取還緘題如故康熙時於鎮江旅
榻拾橐金留宿以待遺者還之始行好吟詠著有焚餘
草子孫並列庠序舊志

唐繼靖字聲遠諸生幼喪父事母以孝聞修文廟復學
田靖之力居多焉舊志

朱銘球字函一諸生判股救母時揚屬考棚移駐真州
銘球倡議請復駐泰鳩貲重修試院其後諸生劉亮議
建試院瓦棚能善其事云舊志

宮自禮字殿臣以千餘金修造城北迎春橋關帝廟城
隍廟傾圮復完葺之先後有楊錦創建魁星閣監生

友義修州治街道萬士正捐修州城外大街錢允萬修州治迎春橋王志寬修濟州橋寶帶橋其子天兆等修大街監生張仁定修州城內外通衢又修城隍廟前廳

五楹

舊志

韓穉字公魏事母盡孝教弟敏力學成名養外弟之不能自食者二十餘年餘貲輒分濟貧乏生平忠厚樸誠

鄉里稱長者

續志稿

吳宗光字亦裕撫兄弟子如己子姻戚有孤幼俱撫之

處立

續志稿

宗毅字建章諸生性純篤每教人以文行並勵遊其

秦州志

卷之二十五

篤行

十七

門者無不束修自愛一時重其師範

舊志

周露字季友諸生樸誠不與人校每代人償逋以是家

屢空又有還遺金事云

舊志

張顯字思石忠厚好施康熙十一年饑發粟千石以賑

貧乏

舊志

舊志有朱賡南王家望陳志球徐授璽曹振彬田士

龍曹寅孝許以誠嚴士良江可容范常王家楚徐驄

唐日宣十四人均無事實今刪

俞應龍字奉溪敦孝友樂施予獎掖孤寒成科名者甚

眾以子鈺鐸貴封中憲大夫祀鄉賢

續志稿

陳采字碧兼號白初貢生嘗以河防數十事上河帥秦有不毛田千八百餘頃額銀千四百餘兩米千七百石業戶每歲無一粒之入而輸納如常稅采具呈本州通詳各上司卒得免又置贍族田數十畝捐貲修考棚子端官刑部員外郎府志

陳邁劾字茂公族兄廉父子相繼亾遺孤孫時夏生甫逾月族人窺其家財將不利時夏遇劾維持保護與其舅氏陸無忌懇諸官患方息撫時夏成名府志

朱璐字式玉諸生五歲而孤長篤行誼有戚某罹罪遣戍璐貨產以資行子雯居母喪哀毀過禮竭家貲為其

秦州志 卷之二十五 篤行 六

兄償逋鄰有子不類密以金屬雯鄰死無知者雯私為權子母臨終召鄰子反復勸諭盡舉以歸之府志

吳儒度字復翁貢生品學端粹與兄儒清見仕績門講心性士望歸之有因事謝以千金者卻弗受工書學董文敏

兼精天文推步法年八十有二而終續志稿

劉之澇字竹其康熙辛卯舉人父歿以母老不應禮部試者十年建普濟堂置下棋莊田為族人豕地戊子客

江寧同鄉薛某寄篋金猝遇火持薛金出已物灰燼不顧也又貸陳晉文金晉文客死訪其孫償之晚年講心

性之學子育杰育棨成進士著有左傳意祀鄉賢

王晉原字雪樵雍正癸卯解元學田舊多侵占晉原

俞驄乘劉景淵沈子迪唐聲遠等力復之八年舉孝廉

方正不就續志稿

姜日祥字祥甫康熙時州城內外南北街道遇積雨泥

淖難行日祥倡捐發石起彩衣街訖小關口凡十年而

工告成孫維祺領鄉薦續志稿

李廷芳字芳臣貢生篤孝友族中孤苦者教養之每冬

施粥施棺雍正十年建普濟堂二十四間兼董其事凡

病者延醫選藥躬自點檢存活甚眾巡撫高扁旌之續志稿

稿

秦州志 卷之二十五 篤行

陸經陸綸住海安鎮兄弟以孝聞建宗祠設家塾捐草

田七十五畝贍親族之貧乏者又捐一百八十畝為

田五十畝助普濟育嬰兩堂舉孝廉方正不就雍正

一年祀孝友續志稿

陳位望字膏露貢生捐銀二千金及崔母鎮田一百七

畝助普濟育嬰兩堂每逢鄉試年分租入為卷燭之費

申詳藩司卷存學署續志稿

潘志原字允平諸生康熙庚戌丙辰大水溺者具棺葬

之生者周以衣食己未早集饑民濬河優給薪米復置

義冢於城北朱家莊年八十有四曾元孫俱領鄉

稿

徐謨字倬雲諸生雍正十年捐貲倡建普濟育嬰兩

規畫盡善里人劉之游紀其事

續志稿

高翊字敬思號素軒貢生事母盡孝請起得照縣令已

赴官念母春秋高忽心動慨然曰古人不以三公易一

日吾何為者遂乞養歸生平篤行誼遇族黨中婚嫁喪

葬事厚為周卹乾隆癸酉乙巳捐賑壬子捐修學宮年

八十有四

續志稿

黃先疇字敘九廩生事母孝撫孤姪入痒將遷葬其先

人形家謂坐地不利於次房疇曰為利吾家吾一身何

秦州志

卷之二十五

篤行

二十

恤焉阮葬三子相繼歿疇處之泰然

府志

王聯字鷺亭廩生與甘泉沈鳴謙為性命交乾隆庚子

沈鄉試江寧病喉欲歸聯送之沈歿於路與人欲去聯

涕泣相畱殯之丹徒某寺中訃其家他日或有以此事

問者聯曰我無之也嘗買一僮僮每泣詢之曰我安慶

人思父母耳聯為求得其親族歸之

府志

李克猷字靖颺住雙河村村南三里地瀕河潏潏無人

迹舊為盜藪自知州周鼎鑑建屋四十間募民居之行

人恃以無恐名其地為周公鋪久之屋廢險僻如初乾

隆五十年歲饑往來益警克猷偕其姪琪慨然變田廬

餘閒造橋梁，此路招姻族子弟讀書習射。
既厚其族姓而待旅，地不為畧。遂至今鄉人置宅

留，儼然成市焉。府志

朱謙服號白村諸，住曰山鎮。性女愛為其兄償逋數

千金少與，何胡商等。研給以膏火，後當京師。有書招

謝不從，著二筍。出房車。續志

王三視，堯佐。南宮縣縣丞，值大疫獄，多死。三視

之，何老疾。嬰孩捐俸設門，義民不復犯。

傲直，規規戶口。商有遺漏，產以母之。此之，乾

泰州志 卷之五 篤

隆三十二年歲次，歲次。三視，年。鎮飢民

見而，憐。一善人，善人。給之捐十金，贍歲。修南北

街，又建姜堰。二百，積善。為積善

之報。續志

儲昕，字時。諸生，少孤。事母孝，租入所餘。

不給，有。何姑，何姑。

走百，管。以

薛繼勳，仁。

王阿，賣女。以葬

也以不義之金殯吾，孝也。

二年始歿

府志

陳以智監生住港口鎮乾隆二十一年大

死者無算

以智購義冢地並施棺槨知州勒百粵丁育璉嘉慶

丙寅丁卯水災捐銀助賑

續志

王茂公字日心仕海安鎮事父以孝聞母有餘貲即施

衣棺濟貧

用悉以為

年水災

司康其

公賑饑

秦州志

養孤寡老疾百五

程師旦字天樞

乾隆四十二年

章曰考棚坐具

嘉慶時卒成父志焉

陳文炯字秉德監生乾隆

殿前石臺嘉慶己未復捐修

續志

王宗佩字西亭監生少孤事母孝歲荒雨雪饑寒不能

出戶行以餅餌漏給之助

等寺年八十五歲

續志稿

程旭字宗嶽監生住海安鎮捐贖田三百二十三畝建明道書院於海安西門內凡屋二十一間未歲事而死其妻徐氏成之乾隆乙卯火子熙瑞重葺姪禧復捐田五十畝爲優獎資

續志稿

譚獻琛字貢荆益生嘉慶初邑屢遭火倡建水倉水龍市河淤塞協方挑濬連年水災倡捐煮賑並施藥施棺

以濟貧乏

續志稿

高獻可字辰箴貢生官柳州府通判剔漕弊除戶差省民役上司重之歸里後好義樂施嘉慶甲子水災捐賑

秦州志

卷之二十五

篤行

三

八百金年七十五

續志稿

陳縝字聞蟬號玉峰住海安鎮由貢生授寧國訓導海安東門外有青龍牖俗名徐家壩爲串場河來源年久就傾縝慨然請於當事捐貲重修事垂成爲隣縣所阻不果行人咸惜之著有天香書屋文集

續志稿

王朝武字襄章監生山東大饑有易子女而食者朝武買之歸及長配爲夫婦族弟歿養其妻終身夏秋租入多分濟貧族除夕懷金出金盡始歸其他修橋築施藥

創多善舉云

續志稿

李祖遐字林表號霽堂住海安鎮少孤事孀母以孝聞

鎮之新河久淤倡捐疏濬并設恤嫠所歲給嫠婦數百
八歲荒助賑施棺置救火具商賈苦徵落地稅請之官
勒石永禁修輒橋及城隍廟學使者扁獎之

續志稿

韓大鵬住海安鎮嘉慶乙丑水災大鵬赴城倡捐煮賑
復於本鎮施米及棺木修葺鳳山書院與六里港石橋
丙寅水澗同李祖遐等濬治海安下壩新舊官河以通

水道臨歿命其子免各佃逋租百八十餘石總督鐵知
府伊先後扁獎之

續志稿

高榮軾字岱瞻候選通判加職運同鳳翥

見仕

子性孝

友以母老不忍遠離遂不謁選嘉慶乙丑丙寅水災捐

泰州志 卷之二十五 篤行

二十

銀米助賑歷修學宮文昌閣胡公書院凡道路橋梁有
損壞者輒為修治置水龍遠近遇火雖隆冬深夜必躬
督人往救每臘月知鄉中多貧乏者周卹尤厚平時送
藥餌施棺櫛閱數十年不衰督藩先後獎以扁額清節
堂善舉榮軾捐銀千兩已上道光六年題請建坊旌表

州案參 續志稿

徐進階號星平住海安鎮建宋三賢祠及都天樓易西
楹橋以石行人便之倡恤嫠會存活寡婦於親族尤加

任卹焉 采訪

夏震字春舟幼孤事嫗母孝乾隆六十年重修明倫堂

及於沂亭震董其事經畫盡善嘉慶甲戌旱災倡捐助
家不豐於財見鄉族中貧乏者必周助之好為詩與
中能詩者結芸香社晚年尤嗜學輯贈彙集十五卷
丹徒王豫江蘇詩徵中載其詩年七十終著有寄園詩

二卷 采訪錄

黃壯字修暇武舉人性慷慨喜周人急嘉慶乙丑丙寅
水災倡捐助賑州學獎之 采訪錄

錢中懷字素亭諸生有又舉嘉慶乙丑丙寅水災倡捐
賑濟凡善舉多所贊成里人稱焉 采訪錄

葛楷字子門醇謹篤孝友有外戚兄 采訪錄 將楷訟以

泰州志 卷之二十五 三

重金賂楷守祖楷却金賞以大義遂感悟式好如初友
人某密寄三百金及友亡還其子無德色晚年隱居西
馮莊嗜學不倦著有貽孫堂文集 采訪錄 孫肇基家東臺遂

占籍焉 采訪錄

王瑞槐字嘉五縣丞三視其子 采訪錄 交譽年見父失足
力扶掖之遂得跛疾長而好 采訪錄 八 采訪錄 云施藥 采訪錄 善

舉樂行不倦嘉慶乙丑 采訪錄 金 采訪錄 之每歲除夕散錢贖 采訪錄 焉以子世履階 采訪錄 贈朝 采訪錄

劉文煥監生捐貲助普濟 采訪錄

獎以扁額子嘉穀諸生慷慨趨義有宿逋千五百餘金臨致命其子搜檢各券出手焚之 翌日泐身之法安

貧讀書而已嘉穀妻吳氏亦好施每歲積銀術所蓄於

除夕遣人給貧乏者

宋訪錄

繆之澍字雨亭監生性孝友處族慕以恩待友朋以義

晚年呼幼子于旁出千金券焚之

宋訪錄

朱沂幼聘儲氏女未婚女亡沂終身不娶兄早世撫其

孤入庠

宋訪錄

姜鳳喈字桐軒諸生工詩古文敏壯平勇赴難修學

宮浚市河歉歲賑饑皆置其為 於勞年七十九而

秦州志

卷之二十五

七

終

宋訪錄

葛宗完字逸庵論生施藥餌怡不數十年又設義學二

所子孫多列庠序

宋訪錄

黃承古字得讓任大倫莊事母孝處以季相友愛乾隆

乙巳歲大饑首捐粟賑復於其鄉設粥廠雖嚴寒必躬

赴散給里人感之

宋訪錄

錢蓉號香岩乾隆己亥舉人太僕師為睢寧令袁秉義

後袁知秦州蓉未嘗干譚師門一與公事人以是稱之

宋訪錄

陳鑽字德淵乾隆元年施首濟堂屋十三間次年

胡公書院齋房十六間水旱之年設粥廠藥局活者甚衆年七十有二

採訪錄

高垂藻號絢堂候選縣丞父病衣不解帶者數月事長姊如母兄弟間友愛更篤有友人某將白金三千兩見垂藻涕泣言曰吾年已衰邁妻弱子幼君所知也此金留真君所他日稍稍存問使妻子勿凍餒足矣垂藻不獲已留之友既歿俟其子長成乃召而還之金知交逋負貧不能償者悉焚其券年六十二

採訪錄

陳怡字如堂號晴樓諸生篤友愛兄歿撫其二子一女成立葺先祠修家乘宗族交稱之工書能文壽七十

採訪錄

泰州志

卷之二十五

篤行

三

錄

張日旺字斗山監生初居時讓良產於昆季二十喪偶終身不再娶訓子成立有妹守節貧不能上達爲之請

旌州治濟川橋爲南北衝要嘉慶初橋圯日旺倡修任其事捐貲千金橋成州牧欲勒石志美力辭而罷董理育嬰堂全活者衆尤好施予多所周卹嘉慶乙丑水

災助賑藩司扁獎之

採訪錄

曹忠殷字良儒監生住姜堰鎮其父日元誠樸好施爲鄉里所稱忠殷承父志中年家業裕以周濟爲念凡施衣施粥施棺贈親朋卹孤寡置義冢設藥局以及修

建廟宇諸舉行之數十年不少懈嘉慶乙丑水災民集永豐橋勢洶洶見忠殷至歡呼曰曹善人來吾輩可無憂矣遂相率去於是忠殷首捐五百金助賑民賴以安丙寅水災亦如之藩司旌以扁額年八十有一而終

采訪錄

丁遐秩住姜堰鎮嘉慶乙丑水災捐賑州牧嘉獎之

采訪錄

黃瑤芝住姜堰鎮家貧業醫值歲歉於道旁得十千文錢據一紙乃隣邑某鬻子身價也明日持往歸之其人泣謝而去

采訪錄

泰州志 卷之二十五 篤行

天

邵世鎧仇銷盧梁俱監生住曲塘鎮世鎧捐建梁莊橋銷施錢家樓義冢地嘉慶十年捐資助賑梁捐修橋梁寺觀

采訪錄

黃龍文住姜堰鎮家不中貲性好施予值風雪之野見有夫婦僵臥橋下無完襦急歸謀諸妻丁氏丁惻然曰食易耳願安所得衣既而曰予釵可質也於是質釵易衣贈之晚年家稍裕每冬必施衣施粥以濟貧乏焉

家傳

朱甘澍字霖望諸生醇懇敦行誼延師家塾凡族子弟皆使就學貧乏有種貸者每焚其券里人感之

士開極字啓咸住朱翟莊倡修心齋祠